

१४२

संऽइद्वः । अग्ने । आ । वह । देवान् । अद्य । यतऽसुचे ।
 तंतुं । तनुष्व । पूर्णं । सुतऽसौमाय । दाशुषे ॥
 घृतऽवतं । उप । मासि । मधुऽमंतं । तनूऽनपात् ।
 यज्ञं । विप्रस्य । माऽवतः । शशमानस्य । दाशुषः ॥
 शुचिः । पावकः । अद्भुतः । मध्वा । यज्ञं । मिमिक्षति ।
 नराशंसः । त्रिः । आ । दिवः । देवः । देवेषु । यज्ञियः ॥
 ईळितः । अग्ने । आ । वह । इंद्रं । चित्रं । इह । प्रियं ।
 इयं । हि । त्वा । मतिः । मम । अच्छ । सुऽजिह्व । वच्यते ॥
 स्तृणानासः । यतऽसुचः । बर्हिः । यज्ञे । सुऽअध्वरे ।
 वृजे । देवयचऽतमं । इंद्राय । शर्म । सऽप्रथः ॥
 वि । अयंतां । ऋतऽवृधः । प्रऽयै । देवेभ्यः । महीः ।
 पावकासः । पुरुऽस्पृहः । द्वारः । देवीः । असश्चतः ॥ १० ॥
 आ । भंदमाने० । उपाके० । नक्तोषसा । सुऽपेशसा ।
 यद्ही० । ऋतस्य । मातरां । सीदतां । बर्हिः । आ । सुऽमत् ॥
 मंद्रऽजिह्वा । जुगुर्वर्णी० । होतारा । दैव्या । कवी० ।
 यज्ञं । नः । यक्षतां । इमं । सिध्नं । अद्य । दिविऽस्पृशं ॥
 शुचिः । देवेषु । अर्पिता । होत्रा । मरुत्सु । भारती ।
 इळा । सरस्वती । मही । बर्हिः । सीदंतु । यज्ञियाः ॥
 तत् । नः । तुरीयं । अद्भुतं । पुरु । वा । अरं । पुरु । त्मना ।
 त्वष्टा । पोषाय । वि । स्यतु । राये । नाभा । नः । अस्मऽयुः ॥
 अवऽसृजन् । उप । त्मना । देवान् । यक्षि । वनस्पते ।
 अग्निः । हव्या । सुसूदति । देवः । देवेषु । मेधिरः ॥
 पूषणऽवते । मरुत्वते । विश्वऽदेवाय । वायवे ।
 स्वाहा । गायत्रऽवैपसे । हव्यं । इंद्राय । कर्तन ॥
 स्वाहाऽकृतानि । आ । गहि । उप । हव्यानि । वीतये ।
 इंद्रं । आ । गहि । श्रुधि । हवै । त्वां । हवन्ते । अध्वरे ॥ ११ ॥